

Շոգովորդ

2 մարտի հինգշաբթի 2023
տպագրության ժԲ տարի

31
(2697)

✉ ք. Երևան, Արմավյան 22ա/3 (0010) ☎ +374 10 546423 @ info.armlur@gmail.com, info.zhoghovurd@gmail.com

100 դրամ

ՆԻԿՈՒ ՓԱՇԻՆՅԱՆԸ ԽԱԲԵԼ Է ՄԱՍ 166



Կառավարությունը շարունակում է արտաքին անվտանգության ապահովումը համարել առանցքային մարտահրավեր: Այս մասին նաև նշված է ՀՀ կառավարության ծրագրի (2021-2026թթ.) 2022 թվականի կատարման ընթացքի և արդյունքների մասին զեկույցում: 2022 թվականն ամփոփվել է 12,6% տևտեսական աճով: Զեկույցում ներկայացված են տվյալներ նաև սեպտեմբերյան ագրեսիայի մասին. ագրեսիայի հետևանքով հայկական կողմն ունեցել է 225 զոհ, այդ թվում՝ քաղաքացիական 3 անձ, վիրավորվել է 293 զինծառայող և քաղաքացիական 7 անձ, գերեվարվել է 20 զինծառայող: 2021 և 2022 թվականների ընթացքում Հայաստանի դեմ իրականացրած ագրեսիաների հետևանքով Ադրբեջանն օկուպացրել է ՀՀ ինքնիշխան տարածքի ավելի քան 150 քառակուսի կիլոմետր հատված: Զեկույցի մեջ անվտանգության ապահովումը՝ որպես մարտահրավեր, ոչ մեկ անգամ է նշված: Սա նշանակում է, որ իշխանությունները եւս խոստովանում են, որ 2018 թվականից ի վեր չեն կարողանում ապահովել Հայաստանի և հայ ժողովրդի անվտանգությունը, և սա՝ այն դեպքում, երբ Նիկոլ Փաշինյանն ամեն առիթով հայտարարում էր. «Կեցցեն մեր երեխաները, որ ապրում են և ապրելու են ազատ և երջանիկ Հայաստանում»: Փաստացի այսօր ոչ ոք չի ապրում ազատ, երջանիկ կամ անվտանգ Հայաստանում, այսինքն՝ այս խոստումը եւս չկատարվեց, գուցե՝ անհաղթահարելի երեւոյթների հետևանքով, բայց փաստը փաստ է:

ՔՊ-ական պատգամավորները որոշել են ամեն շաբաթ խորհրդարան կանչել նախարարներից կամ ուժային կառույցներից որեւէ մեկին՝ փակ քննարկման: Այս ընթացքում խորհրդարան են եկել ՊՆ նախարար Սուրեն Պապիկյանը, ԱԾ քարտուղար Արմեն Գրիգորյանը, երեկ էլ ԱԺ էր եկել ներքին գործերի նախարար Վահե Ղազարյանը: Հնարավոր է՝ առաջիկայում ՔՊ-ականների հետ փակ հանդիպման գա նաև Արարատ Միրզոյանը: ՔՊ-ական պատգամավորներին «հրահանգվել է» մեկ մարդու պես գալ ու ներկա լինել այդ բոլոր հանդիպումներին: Մեր տեղեկություններով՝ այս հանդիպումներին թեւ «հույժ գաղտնի» հարցեր չեն քննարկվում, բայց ՔՊ-ականները փորձում են ամեն կերպ փակ պահել հանդիպման մանրամասները: Այս հանդիպումները տեղի են ունենում հիմնականում հարցուպատասխանի ձևով, իշխող ֆրակցիայի պատգամավորները հարցեր են ուղղում նախարարներին, երբեմն նաև «ուղղորդումներ» են տալիս:



«Ժողովուրդ» օրաթերթի տեղեկությունների համաձայն՝ 44-օրյա պատերազմի հանգամանքներն ուսումնասիրող քննիչ հանձնաժողովը պատրաստվում է ԳՇ պետ Էդվարդ Ասրյանին լսելուց հետո հանձնաժողովը հրավիրել ԳՇ նախկին պետերին: Ստացվում է, որ առաջիկայում հանձնաժողովը պետք է ներկայանան ԳՇ նախկին պետ, ներկայումս անտրակ հրթիռների գործով մեղադրյալ Արտակ Դավթյանը, ԳՇ նախկին պետ Օնիկ Գասպարյանը: Ի դեպ, մեզ հասած լուրերի համաձայն՝ ԳՇ նախկին պետերին լսելուց հետո գործը կհասնի պաշտպանության նախարարներին: Այստեղ հանձնաժողովում հարց է բարձրացվել նաև 44-օրյա պատերազմի ժամանակ նախարար եղած Դավիթ Տոնոյանի մասին, որը կալանքի տակ է հարց է հնչել ինչպէս պետք է լուծել նրան ԱԺ կանչելու հարցը: Մեր տեղեկություններով՝ որոշվել է, որ հանձնաժողովը կգնա «Երևան-Կենտրոն» քրեակատարողական հիմնարկ կամ բոլորին հայտնի «ԿԳԲ-ի պաղվալ», թեւ քննիչը արգելանք է դրել նրա բոլոր տեսակցությունների վրա: Հիշեցնենք, որ Անդրանիկ Քոչարյանի ղեկավարած՝ 44-օրյա պատերազմի հանգամանքներն ուսումնասիրող հանձնաժողովն օրերս կենդանության նշաններ ցույց տվեց: Մեկ տարի առաջ ստեղծված հանձնաժողովը միայն օրերս առաջինը հանձնաժողովը հրավիրեց Ջինված ուժերի ԳՇ պետ Էդվարդ Ասրյանին: Նա պատերազմի ժամանակ զբաղեցնում էր ԳՇ օպերատիվ գլխավոր վարչության օպերատիվ վարչության պետի պաշտոնը: Նշենք՝ առաջիկայում «ԱԺ կանոնակարգ»-ում փոփոխություն է կատարվելու, ըստ որի՝ հանձնաժողովը չներկայացողներին պատասխանատվության կենթարկեն:



«Ժողովուրդ» օրաթերթի տեղեկություններով՝ ԱԺ «Քաղաքացիական պայմանագիր» խմբակցության պատգամավոր Մարիամ Պողոսյանը վերջերս նշանադրվել է Նույն իշխանական խմբակցության պատգամավոր Մաթեոս Ասատրյանի օգնականի՝ Ռոման Տերտերյանի հետ: Վերջինս նախկինում ազգությամբ ռուս պատգամավոր Ալեքսանդր Սանդիկովի օգնականն էր: Հատկանշական է, որ Մարիամ Պողոսյանը եւս նախկինում եղել է պատգամավորի օգնական. Նա «Իմ քայլը» խմբակցության ղեկավար Լիլիթ Մակունցի օգնականն էր և այս գումարման խորհրդարանում պատգամավոր դարձավ: Մեր տեղեկություններով՝ Մարիամ Պողոսյանը և Ռոման Տերտերյանը բավականին երկար ժամանակ է, ինչ ընկերություն էին անում, իսկ վերջերս արդեն նշանադրվել են: Զույգը մտադիր է այս տարի ամուսնանալ, և երեկ արդեն միասին ծաղիկներ էին խոնարհում մարտի 1-ի զոհերի նորադիր արձանի մոտ:



ԱՆԳՈՐԾՈՒԹՅՈՒՆ

ՊԵՏՔ ԶԷ ՀԱՅԱՍՏԱՆԻՆ ՄԵՂԱԴՐԵԼ

Հոկտեմբերի 20-ից Հայաստանում իր գործունեությունն է սկսել ԵՄ դիսոնդակաճ առաքելությունը: «Ժողովուրդ» օրաթերթի հեռ գրույցում «Քաղաքացիական դաշմանագիր» խմբակցության դասգամավոր Արուսյակ Ջուլիակյանը նշեց՝ ակնկալում է, որ այս դիսոնդակաճ առաքելությունը կնշտապես, որդեգրի հայ-ադրբեջանական սահմանին իրավիճակը կայունացնի:



Մեզ հետ գրույցում պատգամավորն անդրադարձավ նաև ռուսական կողմի կողմ հայտարարություններին՝ ԵՄ դիտորդական առաքելության մասով՝ նկատելով, որ Ռուսաստանը մինչ այս կամ չի արձագանքել ՀՀ տարածքի նկատմամբ ադրբեջանական ագրեսիային, կամ էլ ոչ բավարար արձագանք է տվել:

-Տիկին Ջուլիակյան, ի՞նչ սպասումներ կան այս առաքելության գործունեությունից, որքանով այն կնպաստի սահմանին կայունության հաստատմանը:

-Ենթադրություններ անելու փոխարեն, կարող ենք տեսնել մեր արդեն ունեցած փորձը: Մենք արդեն իսկ փորձ ունենք առաքելության տեղակայման եւ գործունեության վերաբերյալ: Ռեռես 2022թ.-ի հոկտեմբերին ԵՄ քաղաքացիական դիտորդական առաքելությունը ժամանակավոր տեղակայվել էր հայ-ադրբեջանական սահմանին երկու ամսով: Մենք կարող ենք արձանագրել, որ բավականին զսպող դեր է ունեցել դա, եւ արձանագրել, որ Ադրբեջանի սարդիչ գործողությունները զգալիորեն նվազել են. լուրջ ագրեսիայի ակտ Ադրբեջանի կողմից չի արձանագրվել, հետևաբար կարող ենք եզրակացնել, որ ԵՄ դիտորդների տեղակայումն այստեղ զսպող դեր է ունեցել եւ կայունացրել է սեպտեմբերյան ագրեսիայից հետո ստեղծված լուրջ անվտանգային իրավիճակը: Այս առումով կարող ենք արձանագրել, որ մենք ունենք կայունացում: Այդ արձանագրման վրա հիմնվելով՝ կարող ենք հույս հայտնել նաեւ, որ երկու տարով տեղակայվող ԵՄ դիտորդական խումբն ավելի արդյունավետ կլինի, քան եղել է արդեն հոկտեմբերից դեկտեմբեր գործած դիտորդական խումբը: Այս առումով հույս ունեմ, որ դիտորդական խմբի տեղակայման շնորհիվ կունենանք համեմատաբար կայուն իրավիճակ սահմանին:

դական խմբի տեղակայման շնորհիվ կունենանք համեմատաբար կայուն իրավիճակ սահմանին:

-Տիկին Ջուլիակյան, մեր դաշնակից Ռուսաստանն է բավականին կոշտ արձագանքել հայ-ադրբեջանական սահմանին ԵՄ դիտորդական առաքելության տեղակայմանը. սա դիտարկում է տարածաշրջանում իրավիճակն ապակայունացնելու փորձ: Ի՞նչ կասեք այս մասին:

-Հայաստանի սուվերեն տարածքի նկատմամբ ագրեսիայի առաջին ակտն արձանագրվել է դեռես 2021թ.-ի մայիսին: Մենք ունեցել ենք նաեւ երկրորդ էսկալացիան արդեն նոյեմբեր ամսին,

2022թ.-ի սեպտեմբերին ունեցել ենք արդեն ավելի լուրջ էսկալացիա, բայց այս դեպքում ո՛չ Ռուսաստանը, ո՛չ էլ ՀԱՊԿ-ը, որպես ռազմական դաշինք, կամ չեն արձագանքել, կամ էլ արձագանքել են, բայց ոչ սպասված չափով: Պետք չէ սեփական անգործության հարցում Հայաստանին մեղադրել: Ռուսաստանին այս տարածաշրջանից չի կարող դուրս մղել որեւէ մեկը, բացի Ռուսաստանից. եթե կա երկիր, որը կարող է դուրս մղել Նրան այս տարածքից, դա միայն Ռուսաստանն է իր գործողություններով կամ անգործությամբ:

Ջրույցը ՔՐԻՄՍԻՆԵ ՄՈՒԵՆԴՅԱՆԸ

ԳԵՌԻՄ Է ԳԱՏԱԽԱԶՈՒԹՅՈՒՆ

Երեկ ArmLur.am-ին հայտնի դարձավ, որ «Մարտի 1»-ի գործով մեղադրյալ Գեղամ Պետրոսյանի պաշտպան Վաղարշակ Գեորգյանը միջնորդություն է ներկայացրել գլխավոր դատախազ Աննա Վարդապետյանին եւ պահանջել կարճել Գեղամ Պետրոսյանի նկատմամբ հարուցված քրեական վարույթը եւ քրեական հետապնդումը դադարեցնել: Նշենք, որ սա պաշտպանի երկրորդ միջնորդությունն է:

Ինչպես հայտնի է, 2019 թվականի օգոստոսի 4-ին «Երեւան Կենտրոն» ՔԿԻ-ից կամ բոլորին հայտնի «ԿԳԲ-ի պաղվալից» ազատ արձակվեց «Մարտի 1»-ի գործով մեղադրյալ Գեղամ Պետրոսյանը: Անցել է շուրջ 4 տարի, սակայն Գեղամ Պետրոսյանի ազատ արձակվելուց հետո որեւէ քննչական գործողություն չի արվել, եւ քրեական գործը մնացել է Հակակոռուպցիոն կոմիտեի դարակներից մեկում:

Հիշեցնենք, որ Գեղամ Պետրոսյանը մեղադրվում է 2008 թվականի մարտի 1-ին հրազենի գործադրմամբ Ջաքար Հովհաննիսյանին սպանելու համար: Նրան մեղադրանք է առաջադրվել՝ ՀՀ ՔՕ 104-րդ հոդվածի 1-ին մասով, այն է՝ սպանություն: Վերջինիս նախաքննական մարմինը կալանավորել էր, քանի որ քրեական գործով Գեղամ Պետրոսյանի դեմ ցուցմունք էր տվել ոստիկանության գործերի ենթասպա Ալեքսանդր Ազարյանը, թե տեսել է՝ ինչպես է Գեղամ Պետրոսյանը կրակել Ջաքար Հովհաննիսյանի վրա:

Ավելի ուշ փորձաքննության արդյունքները ցույց տվեցին, որ իրականում Պետրոսյանի գեղքի եւ դիակում եղած պարկուճի տեսակները չեն համընկնում, եւ այդ հիմքով Պետրոսյանն ազատ արձակվեց:

ԱՅՍՕՐ ՀԱՆԴՐՊԵԼ ԵՆ

Լաչինի միջանցքով մեքենաների անխոչընդոտ անցումը վերականգնելու եւ միջանցքի նպատակային օգտագործման փաստը հաստատելու հարցն է քննարկվել երեկ Ադրբեջանի Հանրապետության, Լեռնային Ղարաբաղի Հանրապետության ներկայացուցիչների եւ ՌԴ խաղաղապահ զորախմբի հրամանատարի եռակողմ հանդիպմանը: Կողմերը քննարկել են նաեւ էլեկտրամատակարարման եւ գազի անխափան մատակարարման հարցերը:

Բացի այդ, հանդիպման շրջանակներում քննարկվել է Դրմբոնի եւ Կաշենի հանքավայրերում ադրբեջանական կողմի ներկայացուցիչների կողմից շրջակա միջավայրի մոնիտորինգի հնարավորությունը:

Պայմանավորվածություններ են ձեռք բերվել հետագա համագործակցության վերաբերյալ՝ լարվածության նվազեցման եւ տարածաշրջանում խաղաղ կյանքի հաստատման ուղղությամբ:

ՆԱԻՐԱ ՀՈՎՀԱՆՆԻՍՅԱՆ

ՆԱԽԱԳԻԾ

ՀԱՎԱՔԻ ՄԱՄՆԱԿԻՑՆԵՐԻ ԱՇԽԱՏԱՎԱՐՁԸ

ՀՀ աշխատանքի եւ սոցիալական հարցերի նախարարությունը նոր օրենսդրական նախագիծ է հանդես եկել եւ առաջարկում է փոփոխություններ կատարել Հայաստանի Հանրապետության աշխատանքային օրենսգրքում:

Օրենսգրքի 124-րդ հոդվածը կունենա այս տեսքը. «Հայտարարված վարժական հավաքների 30 օրացուցային օրը չզերազանցող ժամկետով աշխատողին ներգրավելիս աշխատողի աշխատավարձը պահպանվում է աշխատողի եւ գործատուի համաձայնությամբ կամ կոլեկտիվ կամ աշխատանքային պայմանագրով նախատեսված դեպքերում, սակայն ոչ պակաս, քան վարժական հավաքների մասնակցելու օրերի համար հաշվարկված աշխատողի միջին օրական աշխատավարձի 50 տոկոսի չափով»: ArmLur.am-ը հիմնավորումից տեղեկանում է, որ այսուհետ հայտարարված վարժական հավաքներին յուրա-

քանցյուր պահեստագործային տարվա ընթացքում ներգրավելու են առավելագույնը 25 օրացուցային օր ժամկետով, որի կապակցությամբ անհրաժեշտություն է առաջացել վերանայելու նաեւ վարժական հավաքների կանչված աշխատող պահեստագործայինների հիմնական աշխատանքի վայրում վարժատրության հետ կապված կարգավորումները: Ինչպիսիք առավել արդիական է դառնում այն պահեստագործայինների մասով, որոնց հիմնական աշխատավայրում ստանում են բարձր աշխատավարձ: Այդ նպատակով, ինչպես նաեւ հաշվի առնելով, որ, օրենքի 59-րդ հոդվածի 7-րդ մասի պահանջների համաձայն, վարժական հավաքի ընթացքում քաղաքացուն հաշվարկվում է նշանակված զինվորական պաշտոնի համար նախատեսված պաշտոնային դրույքաչափը, առաջարկվում է ՀՀ աշխատանքային օրենսգրքի 124-րդ հոդվածի 2-րդ մասում սահմանել, որ հայտարարված վարժական հավաքներին 30 օրացուցա-

յին օրը չզերազանցող ժամկետով աշխատողին ներգրավելիս աշխատողի աշխատավարձը պահպանվում է աշխատողի եւ գործատուի համաձայնությամբ կամ կոլեկտիվ կամ աշխատանքային պայմանագրով նախատեսված դեպքերում, սակայն ոչ պակաս, քան վարժական հավաքներին մասնակցելու օրերի համար հաշվարկված աշխատողի միջին օրական աշխատավարձի 50 տոկոսի չափով:

Նախագծի հեղինակները կարծում են, որ այս կարգավորումը հնարավորություն կտա, մի կողմից, վարժական հավաքներին մասնակցող աշխատողի մասով բարձր աշխատավարձ ստանալու դեպքում համապատասխան չափով պահպանված աշխատավարձի եւ հաշվարկվող պաշտոնային դրույքաչափի ընդհանուր գումարը հնարավորինս մոտարկել բարձր աշխատավարձի չափին, եւ մյուս կողմից՝ մեծ բեռ չի հանդիսանա գործատուի համար:

ՆԱԻՐԱ ՀՈՎՀԱՆՆԻՍՅԱՆ

ՄԻԱՆՁՆՅԱ

«ՅՈՒՆԻՎԵՐՍ» ԳՆՈՒՄՆԵՐԻ ՀԱՂԹՈՂԸ

ԳՈՐԾՈՒՂՈՒՄՆԵՐԻ ՄԵՋ Է

Սփյուռքի գործերի գլխավոր հանձնակատար Զարեհ Սինանյանը փետրվարի 17-ից գտնվում է Ամերիկայի Միացյալ Նահանգներում: ArmLur.am-ը տեղեկացավ, որ նա մինչև մարտի 2-ը կլինի այնտեղ: Հետաքրքիր է, որ Նրա գործուղումն այդքանով չի ավարտվում, եւ Հայաստան վերադառնալուց հետո նա միանգամից այլ գործուղումների է լինելու, այսինքն՝ խիստ զբաղված է: Տեղեկացանք, որ Զարեհ Սինանյանը եւ Սփյուռքի գործերի գլխավոր հանձնակատարի գրասենյակի օրենսդրական նախաձեռնությունների եւ ռազմավարությունների մշակման վարչության ռազմավարությունների մշակման բաժնի պետ Հովհաննես Ալեքսանյանը մարտի 7-11-ը ներառյալ վարչապետի հրամանով գործուղվելու են Լիբանանի Հանրապետություն (Բեյրութ՝ մարտի 7-ին, մարտի 9-11-ը) եւ Սիրիայի Արաբական Հանրապետություն (Դամասկոս՝ մարտի 7-8-ը, Հալեպ՝ մարտի 8-9-ը, Զեհաբ՝ մարտի 9-ին) երկրաշարժից տուժած հայկական համայնքների եւ հաստատությունների խնդիրների եւ կարիքների վերհանման նպատակով: Տեղեկացանք նաեւ, որ Զարեհ Զոն Սինանյանի՝ Ամերիկայի Միացյալ Նահանգներ եւ նաեւ Սիրիա գործուղման հետ կապված ծախսերը կատարվելու են Հայաստանի Հանրապետության՝ 2023 թվականի պետական բյուջեով Հայաստանի Հանրապետության վարչապետի աշխատակազմի «Հայաստան-Սփյուռք գործակցության» ծրագրի «Աշխատանք սփյուռքի համայնքներում» միջոցառման համար նախատեսված միջոցների հաշվին:

ԿՄԵԿՆԵՆ ԳՈՐԾՈՒՂՄԱՆ

ArmLur.am-ը տեղեկացավ, որ Եսեսվ մշտական հանձնաժողովի նիստին մասնակցելու համար 2023 թվականի մարտի 1-3-ը Հաագա (Նիդերլանդների Թագավորություն) կմեկնի Ազգային ժողովի «Քաղաքացիական պայմանագիր» խմբակցության պատգամավոր Արուսյակ Զուլխայանը: Տեղեկացանք, որ գործուղման հետ կապված ճանապարհածախսի, օրապահիկի, ինչպես նաեւ գիշերավարձի՝ ըստ փաստացի կատարած ծախսերը կատարվելու են Հայաստանի Հանրապետության 2023 թվականի պետական բյուջեով Ազգային ժողովին այդ նպատակի համար հատկացված միջոցների հաշվին:

Իսկ Եվրոպայի խորհրդի խորհրդարանական վեհաժողովի (Եսեսվ) սոցիալական, առողջապահության եւ կայուն զարգացման հարցերի հանձնաժողովի նիստին եւ Հանուն առողջ միջավայրի կոնտակտային խորհրդարանականների ցանցի հերթական նիստին մասնակցելու համար 2023 թվականի մարտի 15-19-ը՝ Մարաբեշ (Մարոկկո), ինչպես նաեւ Եվրոպայի խորհրդի տեղական եւ տարածաշրջանային իշխանությունների կոնգրեսի 44-րդ նստաշրջանին մասնակցելու համար մարտի 20-25-ը Ստրասբուրգ (Ֆրանսիայի Հանրապետություն) կգործուղվի Ազգային ժողովի պատգամավոր Արմեն Գեւորգյանը: Ստրասբուրգ գործուղման հետ կապված բոլոր ծախսերի վճարումը կատարում է հրավիրող կողմը:

«Ֆակտորի փրոդաբեն» ՍՊԸ-ն մեծադեպ մեկ անձից կատարվող գնման ընթացակարգով շարունակում է միլիոնավոր դրամներ ստանալով ղեկավարվող ընկերության գլխավոր պարտքերից: Այս անգամ խոսքը 27 մլն դրամի մասին է, իսկ դաշմանագիրն էլ կնքվել է ՀՀ արտաքին գործերի նախարարության ղեկավար արարողակարգի ծառայության հետ: Այս անգամ խոսքը ՀՍՊԿ ԱՆ խորհրդի նիստի ժամանակ իրականացրած կազմակերպչական ծառայությունների մասին է: Այդ գումարի մեջ են եղել գովազդային վաճառքների տեղադրում, սարքեր տեխնիկաների վարձակալումներ:

Նշենք, որ Իրավաբանական անձանց պետական ռեգիստրի համաձայն՝ «Ֆակտորի փրոդաբեն» ընկերությունը ստեղծվել է 2017-ին: Հիմնադիրներն են Վազգեն Պողոսյանը եւ Ռուդիկ Տեր-Գալստյանը: Նրանք աշխատել են «Շարմ հոլդինգ» ՍՊԸ-ում, Հանրային հեռուստաընկերությունում, երբ վերջինի ղեկավարը Ռուբեն Զաղիսյանն էր:

Ընկերության ստեղծման, ինչպես նաեւ այժմյան գործունեության մասով ակտիվ դերակատարում ունի Երեանի Նախկին փոխքաղաքապետ, Հանրային հեռուստաընկերության գլխավոր պրոդյուսեր Տիգրան Վիրաբյանը: Իհարկե, օրենքով ընկերներ ունենալն արգելված չէ, բայց, համաձայնեք, տարօրինակ է, որ «շատ պատահականորեն» պետական նշանակության կարեւորագույն ու «յուրուղտ» բոլոր միջոցառումները միշտ նույն՝ Հանրային ՌԹ-ի գլխավոր պրոդյուսերի հետ կապվող ընկերությունն է հաղթում: Ֆիքսեմը՝ ընդհանուր հաշվով, «Ֆակտորի փրոդաբեն» ՍՊԸ-ն 2018-2022 թվականներին պետական տարբեր մարմինների հետ կնքել է 14 պայմանագիր, որոնցից 12-ը՝ առանց մրցույթի: Պայմանագրերի ընդհանուր արժեքը կազմում է մոտ 1,5 միլիարդ դրամ:

«Ֆակտորի փրոդաբեն» ՍՊԸ-ին 2019-20 թթ.-ին 325 մլն դրամ էր վճարվել Երեանում ամանորյա միջոցառումները կազմակերպելու համար, դրան նախորդած տարում էլ 30 մլն դրամ էր հատկացվել միայն Երեանի գլխավոր տոնածառի լույսերի վաճառման արարողության համար: Սեյլ այլ պայմանագրով էլ «Ֆակտորի փրոդաբեն» ՍՊԸ-ին 24 մլն դրամի կամ 49 հազար 300 ԱՄՆ դոլարի շրջանակներում Երեանի քաղաքապետարանը տոնական միջոցառումներ էր պատ-



վիրել 2018 թվականի դեկտեմբերի 31-ի գիշերվա համար: 2019-ին «Ֆակտորի փրոդաբեն»-ին էր բաժին հասել նաեւ Քաղաքացու օրվա միջոցառումների անցկացման համար Նախատեսված 108,5 մլն դրամի 25 մլն 20 հազար դրամը՝ կրկին մեկ անձից կատարվող գնումների ընթացակարգով: «Ֆակտորի փրոդաբեն» ծառայություններ է մատուցել նաեւ Ֆրանկոֆոնիայի գագաթնաժողովի ու «Ընդդեմ ցեղասպանության հանցագործության» գլոբալ ֆորումի ժամանակ: Ֆրանկոֆոնիայի գագաթնաժողովին նվիրված Հանրապետության հրապարակի գալա համերգի կազմակերպման համար կազմակերպությունը պետք էր ստացել է 76 մլն 135 հազար դրամ, իսկ 2018-ի դեկտեմբերի 9-12-ը անցկացված «Ընդդեմ ցեղասպանության հանցագործության» գլոբալ ֆորումի շրջանակներում ծառայություններ մատուցելն արժեք է 54 միլիոն 790 հազար դրամ:

Կառավարության պահուստային ֆոնդից «Ֆակտորի փրոդաբեն» սահմանա-

փակ պատասխանատվությամբ ընկերությանը 750 մլն 192 հազար դրամ էր հատկացվել նաեւ 2022 թ. մայիսի 21-31-ը Երեանում անցկացված բնօրհանման մեծահասակների Եվրոպայի առաջնության կազմակերպման եւ անցկացման նպատակով:

Հավելենք, որ ՍՊԸ-ի հիմնադիրներ Ռուդիկ Տեր-Գալստյանն ու Վազգեն Պողոսյանն ընկերներ են: Տեր-Գալստյանը 2012-2017 թվականներին եղել է Հանրային հեռուստաընկերության գլխավոր պրոդյուսերը, իսկ Վազգեն Պողոսյանը եղել է Հանրային գործադիր պրոդյուսերը: 2021 թվականի դեկտեմբերի 2-ին Վազգեն Պողոսյանը նշանակվել է հանրապետության նախագահի օգնական՝ Արմեն Սարգսյանի օրոք: 2022թ. հունվարի 23-ին Արմեն Սարգսյանը հրաժարական տվեց, իսկ մարտի 3-ին նախագահի պաշտոնը ստանձնած Վահագն Խաչատրյանը Վազգեն Պողոսյանին ազատեց օգնականի պաշտոնից մարտի 18-ից:

ՆԱԻՐԱ ՀՈՎԿԱՆՆԻՍՅԱՆ

ՕՐԿԱԽՃԱՆԿԱՐ ԳՈՐԾՈՒՂՈՒՄ ՄԱՐԱՔԵՇ

«Հայաստան» խմբակցության պատգամավոր Արմեն Գեւորգյանը մարտի 15-19-ը կգործուղվի Մարաբեշ (Մարոկկո)՝ Եվրոպայի խորհրդի խորհրդարանական վեհաժողովի (Եսեսվ) սոցիալական, առողջապահության եւ կայուն զարգացման հարցերի հանձնաժողովի նիստին եւ Հանուն առողջ միջավայրի կոնտակտային խորհրդարանականների ցանցի հերթական նիստին մասնակցելու համար:

Պատգամավորը մարտի 20-25-ը կգործուղվի նաեւ Ստրասբուրգ, որտեղ կմասնակցի Եվրոպայի խորհրդի տեղական եւ տարածաշրջանային իշխանությունների կոնգրեսի 44-րդ նստաշրջանին:

Արմեն Գեւորգյանի գործուղման հետ կապված ճանապարհածախսերը՝ օրապահիկը, ինչպես նաեւ գիշերավարձը, կկատարվեն պետբյուջեի հաշվին:

ՔՆՆԱՐԿՈՒՄ

ՀՀ կրթության, գիտության, մշակույթի եւ սպորտի նախարար Ժաննա Անդրեասյանն ընդունել է ՅՈՒՆԵՍԿՕ-ի քաղաքականությունների եւ ցկյանս կրթության համակարգերի բաժնի ղեկավար Բորեն Շակրունիի գլխավորած փորձագիտական խմբին: Առաքելությունը Հայաստան է գործուղվել կրթության ոլորտում կարիքների գնահատման նպատակով:

Հանդիպման ընթացքում կողմերն անդրադարձել են Հայաստանում մասնագիտական կրթության եւ ուսուցման ոլորտի զարգացման, քոլեջների եւ ուսումնարանների գործունեության, մարդկային կապիտալի զարգացման ու հմտությունների բարելավման կարեւորությանը եւ այս համատեքստում համագործակցության հեռանկարներին:

Ժաննա Անդրեասյանը ՅՈՒՆԵՍԿՕ-ի երկայացուցիչներին տեղեկացրել է, որ

առաջիկայում ՀՀ կառավարության հաստատմանը կներկայացվի «Մասնագիտական կրթության եւ ուսուցման մասին» օրենքի նախագիծը, որով առաջարկվում է աշխատանքի վրա հիմնված ուսուցման մոդելը, որը մինչ այս կիրառվել է փորձնական ծրագրերով, դարձնել ինստիտուցիոնալ:

ԿԳՄՍ նախարարի խոսքով՝ կրթության ոլորտի քաղաքականությամբ ստեղծվել է մասնավորի հետ համագործակցության սուր ձեւաչափերի գործիքակազմ, ինչի արդյունքում դիտարկվում է նաեւ քոլեջների եւ ուսումնարանների կառավարման մոդելը փոխելու հնարավորությունը:

Հանդիպմանը կողմերն անդրադարձել են նաեւ երկկողմ հետաքրքրություններ կայացնող այլ հարցերի: Պայմանավորվածություն է ձեռք բերվել քննարկված հարցերի շուրջ գործնական քայլեր ձեռնարկելու վերաբերյալ:

ԲԱՅԱՅԱՅՏՎԵԼ Է

ՄՊԱՆՈՒԹՅՈՒՆ՝ ՎԱՂԱՐՇԱՊԱՏՈՒՄ

ՀՀ ԲՆՆՅԱԿԱՆ ԿՈՄԻՏԵԻ ԱՐՄԱՎԻՐԻ մարզային ԲՆՆՅԱԿԱՆ Վարչության Վաղարշապատի ԲՆՆՅԱԿԱՆ Բաժնում մեկ անձի մասով ավարտվել է 2022թ. օգոստոսի 18-ին էջմիածին քաղաքում տեղի ունեցած սպանության, սպանության փորձի դեղի առթիվ նախաձեռնված քննչական վարույթի նախաճեղծումը:



2022թ. օգոստոսի 18-ին՝ ժամը 23:25-ին, հաղորդում էր ստացվել այն մասին, որ Վաղարշապատի բժշկական կենտրոն բուժօգնության են տեղափոխվել 27-ամյա երկու երիտասարդ՝ հրազենային վնասվածքներով, որոնցից մեկը, գիտակցության չգալով, մահացել էր հիվանդանոցում:

Իրականացված քննչական և վարույթային անհրաժեշտ գործողությունների արդյունքում պարզվել են դեպքի հանգամանակները, այդ թվում՝ դեպքի վայրը, շարժառիթը, միջադեպի մասնակից անձանց շրջանակը, ինչպես նաև ենթադրյալ հանցագործություն կատարած անձանց ինքնությունը, անհատականացվել են նրանց գործողությունները, դրանց տրվել է քրեաիրավական գնահատական:

Մասնավորապես, քննչամբ պարզվել է, որ դեպքին նախորդող ժամանակահատվածում էջմիածին քաղաքի մի խումբ երիտասարդներ վիճաբանել են համաքաղաքացի 21-ամյա երիտասարդի հետ, որի ընթացքում վիճաբանությանը մասնակից անձանցից մեկը՝ Կարատեհտ Յապետ մականունով էջմիածին 43-ամյա բնակիչ Յ.Կ.-ն ծեծել է վերջինիս, ինչի մասին երիտասարդը տեղեկացրել է 27-ամյա եղբորը, որը, ի պատասխան եղբոր նկատմամբ կիրառված բռնության, իր հերթին ծեծել է հիշյալ Յ.Կ.-ին:

Դեպքից օրեր անց վիճաբանության մասին տեղեկացել են նաև վիճաբանող կողմերին քաջ ծանոթ անձինք, որոնք փորձել են կողմերին հաշտեցնել, ինչը, սակայն, նրանց չի հաջողվել, և 21-ամյա երիտասարդի և հասակակիցների վիճաբանությունը վերաճել է երկու խմբավորումների միջև հակամարտության, որի կարգավորման համար նշված անձինք դիմել են այլ՝ Ուշանիկ մականունով Ա.Մ.-ին և Գրիգորի մականունով հայտնի է.Մ.-ին:

Շարունակելով ագրեսիվ վարքագիծը՝ 27-ամյա երիտասարդն իր ընկերոջ հետ կրկին հանդիպել է եղբորը ծեծի ենթարկած Յ.Կ.-ի և Ա.Մ.-ի հետ, որի ընթացքում ծագած վիճաբանության ժամանակ դարձյալ ծեծի են ենթարկել նրանց: Չհանդուրժելով իրենց նկատմամբ նման վերաբերմունքը՝ վերջիններս որոշել են վրեժխնդիր լինել 27-ամյա երիտասարդից:

Այդ նպատակով Ա.Մ.-ն, 27-ամյա երիտասարդի և վերջինիս ընկերոջ կողմից ծեծի ենթարկվելուց հետո ձեռավորված լարված և թշնամական հարաբերությունների պատճառով առաջացած վրեժի շարժառիթով նախապես վարձակալված

տանն ընկերների հետ պլանավորել է համաքաղաքացուն ապօրինաբար կյանքից զրկելու ծրագիրը, կատարել դերաբաշխում: Ըստ դրա՝ «Օպել» մակնիշի ավտոմեքենան պետք է վարեր ինքը, Գիժ մականվամբ Ա.Բ.-ն՝ հսկեր տարածքը, իսկ է.Մ.-ն պետք է իրականացներ 27-ամյա երիտասարդին ապօրինաբար կյանքից զրկելու ծրագիրը. 2022 թվականի օգոստոսի 18-ին «Օպել» մակնիշի ավտոմեքենայով գնացել են էջմիածին քաղաք, որտեղ դարձանակալել և սպասել են 27-ամյա երիտասարդին:

Ժամը 21:10-ի սահմաններում, երբ 27-ամյա երիտասարդն ընկերոջ կողմից վարած «Մերսեդես» մակնիշի ավտոմեքենայով հասել է էջմիածին քաղաքի Թումանյան-Արմավյան փողոցների խաչմերուկ, է.Մ.-ն իր կողմից ապօրինի կրած AK տեսակի ինքնաձիգից այլ անձանց կյանքի համար վտանգավոր եղանակով նշված փողոցում գտնվող տներից մեկի դիմաց՝ ավտոմեքենայից դիմադար կրակահերթ է արձակել «Մերսեդես» մակնիշի ավտոմեքենայի ուղղությամբ, որի հետեանքով նշված ավտոմեքենայի վարորդը՝ 27-ամյա երիտասարդի ընկերը՝ ստանալով կյանքի համար վտանգավոր եղանակով նշված վրիճուկում, հիվանդանոցում մահացել է, իսկ 27-ամյա երիտասարդը ստացել է հրազենային ծանր մարմնական վնասվածքներ, սակայն բժիշկներին հաջողվել է փրկել նրա կյանքը:

Ձեռնարկված քննչական գործողությունների, ինչպես նաև ՀՀ ոստիկանության համապատասխան ստորաբաժանման աշխատակիցների կողմից իրականացված օպերատիվ-հետախուզական միջոցառումների արդյունքում մահացած երիտասարդին պատկանող «Մերսեդես» մակնիշի ավտոմեքենան հայտնաբերվել էր էջմիածին քաղաքի Կոնյայան փողոցում՝ ճանապարհի կայանված ավտոմեքենաներին բախված: Կատարված զննությամբ հիշյալ ավտոմեքենայում հայտնաբերվել էին ատրճանակ, արևանման հետքեր, իսկ ավտոմեքենայի վրա՝ մեկ տասնյակից ավելի հրազենային վնասվածքներ,

որոնք, քննությամբ ձեռք բերված տվյալների համաձայն, հետևանք էին էջմիածին քաղաքի Թումանյան փողոցում արձակված կրակահերթի:

Ենթադրյալ հանցագործություն կատարած անձինք հանցագործությունը թաքցնելու նպատակով հիշյալ «Օպել» մակնիշի ավտոմեքենան էջմիածին-Արմավիր ավտոճանապարհին գտնվող «Մատուռ» կոչվող հուշահամալիրի հարակից տարածքում այրել էին: Ձևությամբ նշված ավտոմեքենայի սրահում հայտնաբերվել էին ինքնաձիգ՝ այրված վիճակում, կրակված պարկուճներ, փամփուշտի գնդակ, չկրակված փամփուշտներ:

Ձեռք բերված փաստերի հիման վրա՝ Ա.Մ.-ին մեղադրանք է ներկայացվել՝ ՀՀ քրեական օրենսգրքի 46-155-րդ հոդվածի 2-րդ մասի 7-րդ կետով, 46-44-155-րդ հոդվածի 2-րդ մասի 7-րդ կետով և 335-րդ հոդվածի 1-ին մասով: Նրա նկատմամբ որպես խափանման միջոց է կիրառվել կալանավորումը: Վերջինիս մասով քրեական վարույթի նախաքննությունն ավարտվել է, և անջատված մասով քրեական վարույթի նյութերը՝ մեղադրական եզրակացությամբ, ուղարկվել են դատարան:

Ա.Բ.-ի նկատմամբ քրեական հետաքննություն է հարուցվել՝ ՀՀ քրեական օրենսգրքի 155-րդ հոդվածի 2-րդ մասի 7-րդ կետով, 44-155-րդ հոդվածի 2-րդ մասի 7-րդ կետով և 335-րդ հոդվածի 1-ին մասով, իսկ է.Մ.-ի նկատմամբ՝ ՀՀ քրեական օրենսգրքի 46-155-րդ հոդվածի 2-րդ մասի 7-րդ կետով, 46-44-155-րդ հոդվածի 2-րդ մասի 7-րդ կետով և 335-րդ հոդվածի 1-ին մասով:

Վերջիններս վերաբերյալ մասնաշնչանքացվել է առանձին վարույթում, նրանց նկատմամբ հայտարարվել է հետախուզում, որպես խափանման միջոց է ընտրված կալանավորումը:

Ձեռնարկվում են անհրաժեշտ օպերատիվ-հետախուզական և օպերատիվ-որոնողական միջոցառումներ՝ հիշյալ անձանց հայտնաբերելու և վարույթն իրականացնող մարմինն ներկայացնելու ուղղությամբ:

ԼՈՒՐԵՐ

ԲԺՇԿԻ ԵՆ ԾԵԾԵԼ

Փետրվարի 27-ին ոստիկանության Կապանի բաժնի քրեական հետախույզները օպերատիվ տեղեկություններ էին ստացել, որ փետրվարի լույս 25-ի գիշերը «Կապան» բժշկական կենտրոն բուժօգնության տեղափոխված հիվանդներից մեկի հարազատները հիվանդանոցի ընդունարանում կատարել են խուլիգանություն, հարվածներ են հասցրել հերթապահ բժշկին և շտապօգնության մեքենայի վարորդին՝ պատճառելով մարմնական վնասվածքներ:

Ձեռնարկված օպերատիվ-հետախուզական միջոցառումների արդյունքում պարզվել է, որ խուլիգանությունը կատարել են կապանցի 31 և 30 տարեկան երկու երիտասարդ: Նրանք հայտնաբերվել և ներկայացվել են Սյունիքի մարզային քննչական վարչություն:

Կազմված փաստաթղթերն ուղարկվել են վարույթն իրականացնող մարմին:

ՓՈԽԱՏԵՂՈՒՄՆԵՐ ԵՆ ԿԱՏԱՐՎԵԼ

Արդարադատության նախարար Գրիգոր Մինասյանի հրամաններով՝ փոխատեղումներ են կատարվել Քրեակատարողական ծառայության համակարգում:

«Վանաձոր» քրեակատարողական հիմնարկի պետ, արդարադատության գնդապետ Արսեն Բախշի Արզումանյանն ազատվել է զբաղեցրած պաշտոնից և փոխադրման կարգով նշանակվել «Սեւան» քրեակատարողական հիմնարկի պետ:

«Գորիս» քրեակատարողական հիմնարկի պետ, արդարադատության գնդապետ Մանուկ Արմենյանի Պողոսյանն ազատվել է զբաղեցրած պաշտոնից և փոխադրման կարգով նշանակվել «Վանաձոր» քրեակատարողական հիմնարկի պետ:

«Արմավյան» քրեակատարողական հիմնարկի պետ, արդարադատության գնդապետ Արմեն Վանիկի Մարտիրոսյանն ազատվել է զբաղեցրած պաշտոնից և փոխադրման կարգով նշանակվել «Գորիս» քրեակատարողական հիմնարկի պետ:

«Սեւան» քրեակատարողական հիմնարկի պետ, արդարադատության գնդապետ Գեորգ Ժուդոլֆի Յովհաննիսյանն ազատվել է զբաղեցրած պաշտոնից և փոխադրման կարգով նշանակվել «Արմավյան» քրեակատարողական հիմնարկի պետ:

«Երեւան-Կենտրոն» քրեակատարողական հիմնարկի պետ, արդարադատության գնդապետ Ռուբեն Էդուարդի Խալապյանն ազատվել է զբաղեցրած պաշտոնից և փոխադրման կարգով նշանակվել «Դատապարտյալների հիվանդանոց» քրեակատարողական հիմնարկի պետ:

«Դատապարտյալների հիվանդանոց» քրեակատարողական հիմնարկի պետ, արդարադատության գնդապետ Աղասի Խաչիկի Խաչատրյանն ազատվել է քրեակատարողական ծառայությունում զբաղեցրած պաշտոնից:

ՂԱՆԱԿԱՅԱՅՏՎՈՒԹՅՈՒՆ՝ ՎԵՃԻ ՀԵՏԵՎԱՆՔՈՎ

Փետրվարի 27-ին ոստիկանության Մասիսի բաժնի հիվանդանոցից հաղորդում էր ստացվել, որ կրծքավանդակի կրծքածակված վերնով բուժօգնության է դիմել Նորամարտ գյուղի 34-ամյա մի բնակիչ:

Մասիսի բաժնի համայնքային ոստիկանների ձեռնարկած միջոցառումների

արդյունքում պարզվել է, որ ժամը 18:30-ի սահմաններում հիվանդանոց տեղափոխված տղամարդը գյուղի ակումբի մոտ անձնական հարցի շուրջ վիճաբանել է 36-ամյա համագյուղացու հետ, այդ ընթացքում էլ 36-ամյա տղամարդը դանակահարել է նրան: Ձեռնարկված միջոցառումների արդյունքում 36-ամյա նորա-

մարզցին հայտնաբերվել, ձերբակալվել և տեղափոխվել է ոստիկանության Մասիսի բաժնի: Անձնական խուզարկությամբ նրա մոտ հայտնաբերվել է հանցագործության գործիք դանակը: Նա և կազմված փաստաթղթերը ներկայացվել են Մասիսի քննչական բաժնի: Նախաձեռնվել է քրեական վարույթ:

● Ըստ ոստիկանության տվյալների՝ փետրվարի 28-ից մարտի 1-ը Հայաստանի Հանրապետությունում բացահայտվել է հանցագործության 56 դեպք, որոնցից 3-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՏՆՕՐԵՆԻ ՀԵՐԹԱԿԱՆ ՊԱՇՏՈՆԱԿԱՏԱՐԸ

Վերջին տարիներին Դիլիջան ազգային պարկի բոլոր տնօրենները կամ տնօրենի ժամանակավոր պաշտոնակատարները իրենց աշխատանքային գործունեության արդյունքում ի վերջո հայտնվել են հարուցված քրեական գործերով մեղադրյալի կարգավիճակում: Կարծես թե Դիլիջանի ազգային պարկի տնօրենի պաշտոնն անհիժված լինի. այն ոչ մեկին հաջողություն չի բերում: Այդ պաշտոնում վերջերս պաշտոնավարած, Դիլիջանի ազգային պարկի տնօրենի պաշտոնակատար Արմեն Ղազարյանին մեղադրանք է առաջադրվել այն բանի համար, որ 2021թ. դեկտեմբերից մինչև 2022թ.-ի հունվարն ընկած ժամանակահատվածում, «Հաղարծին տեղամաս» մասնաճյուղի՝ առանց պահպանության մնացած նշված պահաբաժնից ապօրինի հատվել է 32 հատ տարբեր տեսակի թաց կանգուն ծառ՝ պետությանը պատճառելով 2 միլիոն 217 հազար 500 ՀՀ դրամի գույքային վնաս: ՀՀ քննչական կոմիտեի Տավուշի մարզային քննչական վարչության Դիլիջանի քննչական բաժնում քննվող քննչական վարույթի նախաքննության արդյունքում պարզվել են պաշտոնեական անփութության արդյունքում երեք տասնյակից ավելի ծառերի ապօրինի հատման հանցամասնությունը: Մասնավորապես, քննությանը փաստական տվյալներ են ձեռք բերվել այն մասին, որ «Դիլիջան ազգային պարկ» ՊՈԱԿ-ի տնօրենի պաշտոնակատար Արմեն Ղազարյանը «Հաղարծին տեղամաս» մասնաճյուղի տարածքի եւ ապրանքանյութական արժեքների պահպանության պատասխաստվությունը ժամանակավորապես նույն կազմակերպության տեսուչին հանձնելու նպատակով իր հրամանով ստեղծել է հանձնաժողով, սույն հրամանի կատարման հսկողությունը վերապահել է իրեն: Նա հաստատել է հանձնում-ընդունումը, որի ընթացքում, սակայն, նշված մասնաճյուղի պահաբաժիններից մեկի անտառապահի պարտականությունները կատարողի անաշխատունակության վիճակում գտնվելու պայմաններում վերջինիս պարտականությունների կատարումն այլ անձի չի հանձնարարել, ինչի հետեւանքով պահաբաժինն օրեր շարունակ մնացել է առանց հսկողության: Դիլիջանի ազգային պարկից տեղեկացա, որ 2023թ. փետրվարի 22-ին Դիլիջանի ազգային պարկի տնօրենի պաշտոնակատար է նշանակվել Ռոբերտ Ռուդիկի Ալիխանյանը, որը Դիլիջան համայնքի բնակիչ է: Նա նախկինում աշխատել է ազգային պարկում, պաշտոնավարել է որպես ազգային պարկի տնօրենի գիտական գծով տեղակալ: Դիլիջանի ազգային պարկից հայտնեցին, որ փետրվարի 28-ին ՀՀ շրջակա միջավայրի նախարարության պաշտոնյաները ժամանել են Դիլիջանի ազգային պարկ, եւ Ռոբերտ Ալիխանյանը նրանց հետ աշխատանքային խորհրդակցություն է անցկացրել:

ՈՍԿԱՆ ՍՈՐՈՍՅԱՆ Տավուշ

ՆԱԽԱՔՆՆՈՒԹՅՈՒՆ

3500 ԱՄՆ ԴՈՒՆԱՐ ԿԱՇՆԱՌՔ

ՀՀ հակակոռուպցիոն կոմիտեում քննված քրեական վարույթով իրականացված նախաքննությանը բացահայտվել են ՀՀ դաւաճանության նախարարության դաւաճանասար անձի կողմից խոշոր չափերով կաւառք ստանալու դեղքեր:



Նախաքննությամբ ապացույցներ են ձեռք բերվել այն մասին, որ ՀՀ ՊՆ Ն գործառնախի հրամանատարի պաշտոնը զբաղեցրած Վ. Ա.-ն, իր ծառայողական լիազորություններն օգտագործելով, կաշառք տվող անձանց օգտին գործողություններ կատարելու համար Վ. Ա.-ի միջոցով ստացել է խոշոր չափերով կաշառք: Մասնավորապես, նախաքննությամբ պարզվել է, որ ՀՀ ՊՆ Ն գործառնախի համապատասխան ծառայության պետ Վ. Ա.-ն, նույն գործառնախի դասակի հրամանատար Տ. Չ.-ից տեղեկանալով այլ պաշտոնի նշանակվելու վերջինիս ցանկության մասին, պատրաստակամություն է հայտնել օժանդակել այդ նպատակով նրա կողմից նույն գործառնախի հրամանատարին 1.500 ԱՄՆ դոլար կաշառք տալուն: Վ. Ա.-ն այդ մասին տեղեկացրել է հիշյալ պաշտոնատար անձին՝ իր մտերիմ Վ. Ա.-ին, որը համաձայնել է կաշառքի դիմաց միջնորդել իր վերադասին՝ Տ. Չ.-ին ծառայության մեջ առաջխաղացման կարգով ավելի բարձր պաշտոնի նշանակելու: Համաձայն նախապես ձեռք բերած պայմանաւանկավորվածության՝ 2022 թ. մարտի 12-ին Տ. Չ.-ն կաշառքի գումարի մի մասը փոխանցել է Վ. Ա.-ին, որն իր հերթին այն փոխանցել է Վ. Ա.-ին: Արդյունքում Տ. Չ.-ն 2022 թ. մարտի 22-ին գեկուցագիր է ներկայացրել Վ. Ա.-ին՝ խնդրելով միջնորդել վերադասին՝ իրեն նշանակել հիշյալ գործառնախի համապատասխան ստորաբաժանման պետի պաշտոնին, որից հետո Վ. Ա.-ն, ստացած կաշառքի դիմաց իր ծառայողական լիազորություններն օգտագործելով Տ. Չ.-ի օգտին, միջնորդություն է ներկայացրել իր վերադասին, եւ Տ. Չ.-ն նշանակվել է նշված պաշտոնին:

Բացի այդ, Վ. Ա.-ն, մտերիմ հարաբերությունների մեջ գտնվելով նույն գործառնախի գումարտակի հրամանատարի տեղակալ

շտաբի պետ Յ. Ա.-ի հետ եւ նրանից տեղեկանալով, որ գործառնախի համապատասխան գումարտակի հրամանատարը տեղափոխվում է այլ պաշտոնի, առաջարկել է օժանդակել Յ. Ա.-ին՝ հրամանատարի հիշյալ պաշտոնին նշանակվելու համար վերադաս պաշտոնատար անձին կաշառք տալու: Այնուհետեւ Վ. Ա.-ն այդ մասին հայտնել է Վ. Ա.-ին, որը համաձայնել է 2.000 ԱՄՆ դոլար կաշառքի դիմաց միջնորդել իր վերադասին՝ Յ. Ա.-ին՝ ծառայության մեջ առաջխաղացման կարգով ավելի բարձր պաշտոնի նշանակելու: 2022թ. մարտից մայիսն ընկած ժամանակահատվածում Յ. Ա.-ն Վ. Ա.-ի միջոցով Վ. Ա.-ին փոխանցել է պայմանավորված կաշառքի գումարից 1500 ԱՄՆ դոլարը:

Արդյունքում Վ. Ա.-ն, կաշառքի դիմաց իր ծառայողական լիազորություններն օգտագործելով Յ. Ա.-ի օգտին, հաստատել է Յ. Ա.-ի ծառայողական բնութագիրը

եւ մայիսի 18-ին ներկայացրել է վերջինիս համապատասխան գումարտակի հրամանատարի պաշտոնին նշանակելու միջնորդագիր, որից հետո Յ. Ա.-ն նշանակվել է հիշյալ պաշտոնում: Վերջ նշված հանցավոր արարքների կատարման համար Վ. Ա.-ին մեղադրանք է ներկայացվել ՀՀ քրեական օրենսգրքի 435-րդ հոդվածի 2-րդ մասի 2-րդ կետով /2 դրվագ/, Վ. Ա.-ին՝ ՀՀ նախկին քրեական օրենսգրքի 38-312-րդ հոդվածի 2-րդ մասով /2 դրվագ/, Յ. Ա.-ին եւ Տ. Չ.-ին՝ ՀՀ նախկին քրեական օրենսգրքի 312-րդ հոդվածի 2-րդ մասով:

Վ. Ա.-ի նկատմամբ որպես խափանման միջոց կիրառվել է կալանավորումը: Քրեական վարույթով նախաքննությունն ավարտվել է: Վարույթի նյութերը՝ մեղադրական եզրակացությամբ, հանձնվել են հսկող դատախազին՝ այն հաստատելու եւ դատարան ուղարկելու միջնորդությամբ:

ՆԱԽՏՈՒՄՆԵՐ

ԱՄՓՈՓՎԵԼ ԵՆ 2022 ԹՎԱԿԱՆԻ ԱՇԽԱՏԱՆՔՆԵՐԸ

ՀՀ դեղսակն վերահսկողական ծառայությունում տեղի է ունեցել 2022 թվականին կատարված աշխատանքներն ամփոփող ընդլայնված խորհրդակցություն՝ ողջ անձնակազմի մասնակցությամբ:

Նիստը վարել է ծառայության ղեկավար Ռոմանոս Պետրոսյանը: Զեկույցներով հանդես են եկել ծառայության ղեկավարի տեղակալները՝ ներկայացնելով իրենց համակարգման ներքո գտնվող հիմնական մասնագիտական կառուցվածքային ստորաբաժանումների կողմից 2022 թվականին իրականացված, նախաձեռնված եւ ընթացքում գտնվող ուսումնասիրությունների, մշտադիտարկումների, վերլուծությունների եւ ռիսկերի գնահատման վերաբերյալ համառոտ արդյունքային ցուցանիշները:

2022 թվականին ծառայության պետաիրավական ոլորտի վերահսկողության

վարչությունն իրականացրել է 3 ուսումնասիրություն եւ 14 մշտադիտարկում (2021 թվականին մշտադիտարկումները 5-ն էին, իսկ ուսումնասիրությունները՝ 3-ը), որի ընթացքում արձանագրվել են գնման ընթացակարգի, պետական միջոցների անարդյունավետ կառավարման դեպքեր, ինչպես նաեւ ի հայտ են բերվել առաջարկություններին չարձագանքելու դեպքեր եւ այլ բնույթի խախտումներ: Ծառայության պետաիրավական ոլորտի վերահսկողության վարչության՝ 2022 թվականին արձանագրած խախտումները կազմել են մոտ 11 մլրդ ՀՀ դրամ: Ծառայության տնտեսական ոլորտի վերահսկողության վարչությունը 2022 թվականին իրականացրել է 6 ուսումնասիրություն եւ 21 մշտադիտարկում: Հարկ է նկատել, որ, 2021 թվականի համեմատությամբ, մշտադիտարկումներն ավելացել են 17-ով: Իրականացված վերահսկողական աշխատանքների արդ-

յունքում խախտումներ են արձանագրվել պետական կառավարման մարմիններում, նրանց ենթակա հիմնարկներում: Վարչության արձանագրած խախտումները կազմել են 8,45 մլրդ. ՀՀ դրամ:

Ծառայության ռիսկերի գնահատման եւ վերլուծության վարչությունը 2022 թվականին իրականացրել է 13 մշտադիտարկում եւ 195 վերլուծություն, որի արդյունքում վեր են հանվել Կառավարության հավանությանն արժանացած ներդրումային ծրագրերի իրականացման հնարավոր ռիսկերը, պետական գնումներում հաղթող ճանաչված որոշ տնտեսվարող սուբյեկտների հնարավոր փոխկապակցվածությունը, արձանագրվել են մաքսային մարմնի կողմից մաքսային հսկողությանն առնչվող մի շարք թերացումներ:

Վարչությունը 2022 թվականի ընթացքում արձանագրել է 28,3 մլն ՀՀ դրամի խախտում:

● Անցած 1 օրվա ընթացքում Հայաստանի Հանրապետությունում արձանագրվել է 14 ՃՏՊ. 2 մարդ զոհվել է, 18-ը՝ ստացել տարբեր աստիճանի մարմնական վնասվածքներ:

ԿԱՐԾԻՔ

ՍԱՌՑԵ ԾՈՈՒ

ՀԱՅ ՄԱՐԶԻԿՆԵՐԸ՝ ԶՄԵՌԱՅԻՆ ՄԱՐԶԱԿԱՆ ԽԱՂԵՐԻՆ

Հայաստանի երկու ցերեկայացուցիչ փետրվարի 23-ից մարտի 5-ը Ռուսաստանի Գառնոթյան Կենտրոնի մարզում Կուրբասում, մասնակցում է «Ասիայի երեխաներ» ձմեռային երկրորդ մարզական խաղերին:



Մինչև 16 տարեկան պատանիների համար նախատեսված մարզական խաղերի բացման հանդիսավոր արարողությանը մասնակցել են ՌԴ սպորտի նախարար Օլեգ Մատիցինը, բարձրաստիճան այլ պաշտոնյաներ: Հայաստանի պատվիրակության ղեկավարը ԿԳՄՍՆ սպորտի բարձրագույն նվաճումների բաժնի պետ Արթուր Սեդրակյանն է:

Պաշտոնական հատվածին հաջորդել են խաղերի մասնակից 13 երկրի անվանական ներկայացուցիչները և դրոշներով շքերթը: Հայաստանի թիմի կազմում ընդգրկված են պատանի դահուկորդ Էդգար Բեգլարյանը և լեռնադահուկորդ Դավիթ Ներսիսյանը:

Նրանց ուղեկցում են մարզիչներ Հովհաննես Սարգսյանն ու Ռոբերտ Մաղաքյանը: Այնուհետև «Կուրբաս» սառցե պալատում հավաքված ավելի քան 5 հազար հանդիսականները հետևել են «Թռիչք դեպի հաղթանակ» սառցե շոուին՝ Օլիմպիական խաղերի կրկնակի չեմպիոն Եվգենի Պլյուշչենկոյի, պատանի գեղասահորդ Ալեքսանդր Պլյուշչենկոյի և Օլիմպիական խաղերի մրցանակակիր Ալեքսանդրա Տրուսովայի մասնակցությամբ:

Փետրվարի 28-ին Հայաստանի ներկայացուցիչները սկսել են մրցելույթները: Լեռնադահուկորդ Էդգար Բեգլարյանը, հանդես գալով հսկա ոլորավայրէջք մրցածում, ուժեղագույնների ենթախմբի 46 մասնակիցների թվում զբաղեցրել է 27-րդ հորիզոնականը: Դավիթ Ներսիսյանը

դահուկավազք մրցաձևում 67 մասնակցի հետ պայքարում զբաղեցրել է 59-րդ տեղը, իսկ այսօր՝ մարտի 1-ին, հանդես է գալու սպրինտ ձևում: Հայ մարզիկները, որոնք առաջին անգամ են մասնակցում միջազգային մրցաշարի, մարտի 2-ին թիմային մրցման կմասնակցեն: Խաղերի փակման արարողությունը տեղի կունենա մարտի 4-ին:

«Ասիայի երեխաներ» ձմեռային երկրորդ մարզական խաղերի շրջանակում անցկացվել է նաև «Ճանապարհ դեպի Օլիմպ» կրթական ծրագիրը, որն ուղղված է օլիմպիական սկզբունքների տարածմանը, «Ասիայի երեխաներ» միջազգային մարզական խաղերի պատմությանը, ազնիվ սպորտի խթանմանը և երիտասարդ մարզիկների միջև բարեկամական հարաբերությունների ամրապնդմանը:

Ծրագրի իրականացման համար դասախոսներ են ներգրավվել «Ասիայի երեխաներ» միջազգային կոմիտեից, Ռուսաստանի օլիմպիական կոմիտեից, Ռուսաստանի ազգային հակադոպինգային գործակալությունից (RUSADA) և Ռուսաստանի սպորտային հոգեբանների ասոցիացիայից:

2023 թվականի «Ասիայի երեխաներ» ձմեռային երկրորդ մարզական խաղերին 13 երկրի շուրջ հազար մարզիկ է մասնակցում, որոնք մրցում են 10 մարզաձևում, այդ թվում՝ դահուկավազք, արագ սահք, հոկեյ, սնուբորդ, լեռնադահուկային սպորտ, գեղասահք և այլն: Մրցումների ընթացքում մեդալների 57 հավաքածու է խաղարկվում:

ԼՈՒՐԵՐ

30 ՕՐ Է ՏՎԵԼ

Սպիտակ տունը դաշնային գործակալությունների 30 օր է տվել TikTok հավելվածը բոլոր սարքերից ջնջելու համար: Հինական հավելվածը անվտանգության խնդիրների պատճառով հայտնվել է Վաշինգտոնի ուշադրության կենտրոնում:

Որոշ գերատեսչություններ՝ ներառյալ Պաշտպանության նախարարությունը, Ներքին անվտանգության նախարարությունը և Պետական կառավարումը, արդեն սահմանել են նշված սահմանափակումները: Իշխանությունները կոչ են անում մնացած դաշնային մարմիններին 30 օրվա ընթացքում հետևել իրենց օրինակին:

Սպիտակ տունն արդեն արգելել է TikTok հավելվածն իր սարքերում:

Կոնգրեսը դեկտեմբերին ընդունել է No TikTok on Government Devices Act օրենքը՝ որպես կառավարության ֆինանսավորման փաթեթի մաս: Օրենսդրությունը թույլ է տալիս TikTok-ի օգտագործումը որոշակի դեպքերում ներառյալ ազգային անվտանգության, իրավապահ մարմինների և հետազոտական նպատակներով:

Ակնկալվում է, որ երեքշաբթի Ներկայացուցիչների պալատի հանրապետականները առաջ կմղեն մի օրինագիծ, որն ԱՄՆ նախագահ Ջո Բայդենին իրավունք կտա արգելել TikTok-ը ամբողջ երկրում: Կոնգրեսական Մայք Մաքքոլի առաջարկած օրինագիծը կոչված է շրջանցելու այն խնդիրները, որոնց վարչակազմը կբախվի դատարանում, եթե սկսի պատժամիջոցներ կիրառել չինական հավելվածի դեմ:

Եթե առաջարկն ընդունվի, այն թույլ կտա վարչակազմին արգելել ոչ միայն TikTok-ը, այլև ցանկացած ծրագրային ապահովում, որը «սպառնում է ազգային անվտանգությանը»:

«ԱՆԱՇԿԵՐՏ»-Ը ԳԵՐԱԶԱՆՑԵՑ

Հայաստանի ֆուտբոլի առաջնության 21-րդ տուրի շրջանակներում կայացավ «Լեռնային Արցախ»-«Ալաշկերտ» հանդիպումը:

Վայքի քաղաքային մարզադաշտում կայացած խաղի առաջին կեսում թիմերից են ոչ մեկ չիբացրեց իր հնարավորությունը:

Երկրորդ կեսի մեկնարկին՝ 52-րդ րոպեին, «Լեռնային Արցախ»-ն առաջ անցավ հաշվի մեջ: Գոլն իր ակտիվում գրանցեց Օլաոլուվա Օջետունդեն: Հաջորդիվ «Ալաշկերտ»-ին հաջողվեց ոչ միայն հետ բերել կորցրածը, այլ նաև հաղթանակի հասնել: Նախ 64-րդ րոպեին Ոսկանյանը հավասարեցրեց հաշվի տարբերությունը, իսկ 78-րդ և 82-րդ րոպեներին Եղիզարյանը և Արգոնը զարգացրեցին «Ալաշկերտ»-ի առավելությունը:

«Լեռնային Արցախ»-«Ալաշկերտ»՝ 1:3:

Այս տուրի շրջանակներում ավելի վաղ կայացած խաղերում «Արարատ-Արմենիա»-ն հաղթել էր «Արարատ»-ին, «Նոա»-ն՝ ԲԿՄԱ-ին: Հաջորդիվ կկայանան նաև «Ուրարտու»-«Վան», «Փյունիկ»-«Շիրակ» հանդիպումները:

ՀՎՅՏՆԻՆԵՐԻ ՆՇԱՆԱԴՐՈՒԹՅՈՒՆ

ԱՄԵՆԱԹԱՆԿ ՅՈՒԹ ՄԱՏԱՆԻՆԵՐԸ

Հայսնի մարդիկ ամեն ինչ անում են մեծ մասշտաբով՝ ներառյալ ամուսնության առաջարկությունը: Կարենը, եթե ոչ ամենակարենը, նույնպես մասնակցում է. որքան մեծ է թանկ է աղամանը, այնքան ազդեցիկ: Նույնպես ամենաբանիկ յոթ մասնակցները, որոնք զգամադրիկ նվիրել են իրենց հայսնի սիրելիներին:

ԲԵՅՈՆՄԵԻ 18-ԿԱՐԱՍՆԱՑ ՄԱՏԱՆԻՆ

Այսօր արժեքը 7 միլիոն դոլար է: Երբ Ջեյ Ջին Բեյոնսեին առաջարկություն արեց, նա հասկացավ, որ պետք է դա անի մեծ շուքով: 2008 թվականին 5 միլիոն դոլար արժողությամբ մատանին 18-կարատանոց գնորդատու կտրված աղամանը է: Այն պատրաստված է պլատինից, ինչը նույնպես բարձրացնում է դրա արժեքը: Նախագծված է Լորեն Ծվարցի կողմից: Այժմ դրա արժեքը հասնում է 7 միլիոն դոլարին:

ՔԻՄ ՔԱՐԳԱՇՅԱՆԻ 15-ԿԱՐԱՍՆԱՑ ԱԳԱՍՏՆԻՆ ՄԱՏԱՆԻՆ

Այսօր արժեքը 8 միլիոն դոլար է: Երբ Քանյե Ուեսթը Քիմ Քարդաշյանին ամուսնության առաջարկ արեց, նա դա արեց ոճային: 8 միլիոն դոլար արժողությամբ մատանին պարունակում էր 15 կարատանոց աղամանով՝ տեղադրված բարակ պլատինե շրջանակի վրա. այն ցնցող էր: Ցավոք, մատանին քիչ էր մնում 2016 թվականին՝ Փարիզում կողոպուտի ժամանակ դառնար Քիմի մահվան պատճառը:

ՋԵՆԻՖԵՐ ԼՈՊԵՍԻ ԿԱՆԱՉ ԱԳԱՍՏՆԻՆ 8,5 ԿԱՐԱՍ

Այսօր արժեքը 10 միլիոն դոլար է: 2022 թվականին Բեն Աֆլեքը երկրորդ անգամ ամուսնության առաջարկություն

արեց Ջեյ Լոյին՝ Հարի Ուինսթոնի՝ 10 միլիոն դոլար արժողությամբ մատանիով: Քանի որ սա նրա նվիրած երկրորդ մատանին է, այն պետք է հատուկ լիներ: Մատանու քարը 8,5 կարատ է, ինչը չափազանց հազվադեպ է:

ՄՐԱՅԱ ԲԵՐԻԻ 35-ԿԱՐԱՍՆԱՑ ՄԱՏԱՆԻՆ

Այսօր արժեքը 10 միլիոն դոլար է: Մատանին, որը նրան նվիրել է նրա նախկին նշանած Ջեյմս Փաքերը, արժեք է 10 միլիոն դոլար: Մի քանի տարի առաջ պարզվեց, որ Քերին վաճառել է մատանին շատ ավելի քիչ գնով, քան սկզբում վճարել էր Փաքերը: Լուս Անջելեյի ոսկերիչը վճարել է մոտ 2 մլն դոլար:

Cartier-ի 10-ԿԱՐԱՍՆԱՑ ԱԳԱՍՏՆԻՆ ԳՐԵՅՍ ԲԵՆԻ ԶՄՍԱՐ

Այսօր արժեքը 40 միլիոն դոլար է: 1956 թվականին Մոնակոյի արքայազն Ռենյե III-ն ամուսնության առաջարկություն արեց հոլիվուդյան գեղեցկուհի դերասանուհի Գրեյս Բեյլիին: Նա սիրելիին նվիրեց Cartier-ի 10,47-կարատանոց աղամանոց մատանի: Գնման պահին այն արժեք է 4 միլիոն դոլար, սակայն այժմ այն գնահատվում է 40 միլիոն դոլար:Ս

● Մարտի 4-ին Seven Visions Hotels. The Dvin-ում տեղի կունենա GENETIC CODE X VOSKAN KHACHBU-LAGHYAN & "BERT" ENSEMBLE համերգը: Տոմսերի արժեքը՝ 15000-12000 դրամ: Սկիզբը՝ ժամը 20:00-ին:



Էջը՝ ՌՈՋԱ ՊՈՂՈՍՅԱՆԻ

ՍՈՑԻԱԼԱԿԱՆ

ՀԱՐՑ. Ի՞նչ անել, եթե իմ աշխատավարձը կամ թուակը արգելադրվել են Հարկադիր ծառայության կողմից: Աստղիկ Դունայան (68 տարեկան)



ՊԱՏԱՍԽԱՆ. Այդ դեպքում անհրաժեշտ է գործատուից՝ աշխատավարձի դեպքում, եւ սոցիալական տարածքային ստորաբաժանումից կենսաթոշակների եւ նպաստների դեպքում վերցնել տեղեկանք, որում նշված կլինի ստացվող եկամուտների չափը, բանկը, որի միջոցով Դուք ստանում եք այդ գումարները, այն հաշվեհամարը, որից փոխանցվում են այդ գումարները: Տեղեկանքը վերցնելուց հետո այն դիմումին կից պետք է ներկայացնեք Դատական ակտերի հարկադիր ծառայության այն բաժին, որտեղ կիրառվել են արգելանքները՝ դիմումով խնդրելով պահումները կատարել միայն սահմանված տոկոսների չափով:

ՀՀ ԱՆ Դատական ակտերի հարկադիր կատարման ծառայություն

«ԺՈՂՎՈՒՐԳ». Դատական ակտերի հարկադիր կատարման ծառայությունը ՀՀ օրենսդրությամբ սահմանված կարգով համապատասխան հիմքերի առկայության դեպքում կարող է բռնազանձում տարածել անձի եկամտի՝ աշխատավարձի, կամավոր կամ կամավոր կուտակային կենսաթոշակների, կրթաթոշակի եւ մտավոր սեփականության օբյեկտների օգտագործմամբ ստացված վարձատրությունների, պետական կենսաթոշակների վրա: Պետք է հաշվի առնել, որ բռնազանձումը կարող է տարածվել եկամտի միայն որոշակի մասի վրա (ոչ ամբողջությամբ): Մասնավորապես, եթե բռնազանձումը կատարվում է ալիմենտ վճարելու կամ առողջությանը, կերակրողի մահվամբ պատճառված վնասը կամ հանցագործությամբ պատճառված վնասը հատուցելու նպատակով, ապա, վերոնշյալ հիմքերով, ստացվող եկամուտներից (բացառությամբ կենսաթոշակների) բռնազանձումը կարող է տարածվել մինչեւ 75%-ի չափով, իսկ այլ տեսակի պահանջների բավարարման նպատակով կարող է տարածվել մինչեւ 50%-ի չափով. անձի պետական կենսաթոշակներից կարող է բռնազանձվել մինչեւ 30%-ի չափով:

ԿԱՐԳ

ՀԱՐՑ. Ջոնիված զինծառայողի ընթացիկ անդամ եմ: Ի՞նչ արձուցումներ ունեն եւ որոնցի՞ց կարող եմ օգտվել:

Անի Միսակյան (27 տարեկան)

ՊԱՏԱՍԽԱՆ. Ջոնիված (մահացած) զինծառայողների ընտանիքների անդամներին եւ հաշմանդամ դարձած զինծառայողներին, որպես դրամական օգնություն, նշանակվում է ամենամսյա դրամական օգնություն՝ պարզեցավճար: Ջոնիված (մահացած), անհայտ կորած զինծառայողների ընտանիքների անդամներին եւ հաշմանդամ դարձած զինծառայողների բուժապաստիկումը եւ գտնվում է պետության հոգածության ներքո: Այս արտոնությունից օգտվելու նպատակով անհրաժեշտ է բժշկական հաստատության ղեկավարությանը տեղեկացնել Ձեր կարգավիճակի մասին՝ նրանց ներկայացնելով անհրաժեշտ փաստաթղթերը: Պետությունը նման կարգավիճակ ունեցող անձանց համար մի շարք արտոնություններ է սահմանել նաեւ գույքահարկի գծով: Մասնավորապես, գույքահարկից ազատվում են ՀՀ պաշտպանության մարտական գործողությունների ընթացքում զոհված (մահացած), ծառայողական պարտականությունները կատարելիս անհայտ կորած եւ օրենքով սահմանված կարգով մահացած ճանաչված անձանց (կամ ընտանիքի անդամներին) պատկանող գույքերը մինչեւ այդ անձանց զավակներից մեկի՝ 18 տարին լրանալը: Գույքահարկի գծով արտոնություններից կարող եք օգտվել՝ համապատասխան փաստաթղթերը ներկայացնելով համայնքի կամ վարչական շրջանի ղեկավարներին կամ գույքահարկի հավաքագրմամբ զբաղվող բաժիններին:

ՀՀ աշխատանքի եւ սոցիալական հարցերի նախարարություն

«ԺՈՂՎՈՒՐԳ». Հաշմանդամ դարձած զինծառայողներին պետության կողմից նշանակվում է հաշմանդամության, իսկ զոհված (մահացած), անհայտ կորած զինծառայողների ընտանիքների անդամներին՝ կերակրողին կորցնելու դեպքում սոցիալական կենսաթոշակ: Բացի այդ, զոհված (մահացած), անհայտ կորած զինծառայողների ընտանիքների անդամներին եւ հաշմանդամ դարձած զինծառայողների երեխաներին ամուսնության կամ ընտանիքի անդամի մահվան դեպքում տրվում է 100 հազար դրամ միանվագ դրամական օգնություն, իսկ առանձին դեպքերում՝ դժբախտ պատահարներ, կոմունալ ծառայությունների համար կուտակված պարտքի մարում, գերեզմանի բարեկարգում, ծննդյան (մահվան) տարեդարձ եւ այլն՝ մինչեւ 100 հազար դրամի չափով, իսկ հաշմանդամ դարձած զինծառայողների ընտանիքների անդամներին ստացվող բուժման մեջ գտնվելու դեպքում՝ 30.000 դրամի չափով միանվագ դրամական օգնություն:

ԼՈՒՐ ԿԱՐԴ

Լուսանկարը՝ համացանցից



Թուրքական Galatasaray ֆուտբոլային ակումբը ցանկացել է բանակցել Մոսկվայի Dinamo-ի հետ վերջինիս 19-ամյա կիսապաշտպան Արսեն Ջախարյանին գնելու նպատակով: Ջախարյանը հրաժարվել է թուրքական թիմում հանդես գալու հնարավորությունից: Նա նշել է, որ անձնական պատճառներով է հրաժարվել:

ԲԱԺՆԱՌԳԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել

«Հայմամուլ» ՓԲԸ հեռ. 45-82-00, 45-19-11

«Հայփոստ» ՊՓԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

Subscription form with fields for name, address, phone, and a checkbox for 'no cash'.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող եք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ Հասցեն՝ ք. Երեւան, Աբովյան 22՝/3, հեռ.՝ 010 54-64-23 Պետական գրանցման վկայականի համարը՝ 03Ա089086 տրված է 24.11.2010 Ստորագրված է տպագրության 1.03.2023

Գլխավոր խմբագիր՝ ԶՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: